

Téerí ana fa bíní Saɗ ra Kúnsëe (Saame : Kúnsëe 1 Saɗ)

Wodoha

¹ So' mi njídí jaɗaa dé', mi na wodoh ɗo fi 'Belaa' * Koope tanis ro ra ɗoni koyyu, ɗon fa faha' mi kah-kah ra. Funi af so' neh kep daa fahuu ron, ndaa ɓëewë yúhú kaah ra ɓééɓ fahuute ron, ² ndah kaaf ka ee yen na te ri ay home na faraah.

³ Koo Boffa a Yéésú-Kiristaa Koy Boffa ay yen líh mal, teeɓ yen naa'-keeñ, on yen jaamma yen fa na pesuu filiɓ kaaf ka ñéerë' a fahanta' ra.

Kaafka a fahanta'

⁴ Keeñ so' sosse níi sos ola' mi biti filiɓ fi koyyu, lahte na yí pesuu kaah ti di túuyë' rí yen Boffa nen. ⁵ Leegi daa mi na ɗaɗ ɗo yii bee Yaa ow : yen bokun ɓééɓ yen fahanta' hanndal ki yen. Yee bíní mí rë baa ra nék ɗi túuyë' has neh ; ɗi bee liilu yen dalaanin ɗa. ⁶ Fahanta', daa ri pesa' túuyë' yí Koope, te túuyë'ë yoodu ɗon dalaanin ɗa naha' biti ɗon pesuun fahanta'.

⁷ Don ot mi won ɗon yii bah, biti i feloh caak tasaaruute feey fa, wa kaa'uute biti Yéésú-Kiristaa acce hente ow. Wa fi yaa i feloh, wa kaa'oh yi Kiristaa. ⁸ Kéli affon toñeh ɗon ay ñake iña légyú yen ɗa. Don waɗti liilun waafon liilo níi mit sèk !

⁹ Bëyí fí pokaay yëeddë' yí Kiristaa ñeya yin kay raa, noneh Koope na. Bëyí fí pokoh yëeddë' yí nék, non Boffa

* 1:1 1.1 'Belaa :Belaa na wonuu dee ra, ɓëewë habuu ri biti ɗi janjii hom filiɓ gin. Koyya daa wa ɓëy ílí janjii baaha.

a Koy ka na. ¹⁰ Ow ac ɗon na yeeddɗi ron yin kay raa nék, ngënë hébí rí faamon, ngënë téhí ɗii na sah, ¹¹ ndah ɓëyi tah ɗii na ɗeef habra'te ri iñi ɓossa na paŋ ri ra.

Takanta'a

¹² Lahte iñi caakki mi mín ɗon waa won koon, ndaa daa mi fahaay waa bíní kées. Mi lahte yaakaari biti may ac ginon, yen olanta' yen won, hen ɗaa raa keeññi yen bok sos níi sos.

¹³ Koyyi koy-yaafee† ke ro Koope tanis ri ra ɓal na wodu ro.

† 1:13 1.13 Koyyi koy-yaafee na wonuu dee ra daa wa ɓëy ílí jaŋaa non Saŋ ra.

Séréel Ndút: Unni Koope

Ndut: Séréel Ndút: Unni Koope (New Testament+)

copyright © 2020 Wycliffe Bible Translators, Inc.

Language: (Ndut)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 14 Jun 2022 from source files dated 13 Jun 2022

a3a1238b-9393-5875-a4c5-1d3f38537bfe